



Халқ сўзи

Ўзбекистон — келажаги буюк давлат

2020 йил — ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2020 йил 9 июль, № 144 (7646)

Пайшанба

Сайтимидаги ўтиш учун QR-кодни телефонингиз орқали сканер қилинг.



Шавкат МИРЗИЁЕВ: БУНДАЙ ХАТАРЛИ ОФАТГА АСЛО БЕПАРВО ҚАРАБ БЎЛМАЙДИ

Ўзбекистон Республикаси Президенти Шавкат Мирзиёев 8 июль куни ўтказилган видеоселектор йиғилиши аввалида коронавирус инфециясига қарши кураш доирасида мамлакатимизда амалга оширилаётган ишларга алоҳида тўхталди. Давлатимиз раҳбари, жумладан, шундай деди:

— Барчамиз гувоҳи бўлиб турибмиз, афсуски, бутун дунёда коронавирус пандемияси давом этмоқда. Қатор мамлакатларда касалликнинг иккинчи тўлкини бошланаётгани барчамизда жиддий хавотир уйғотмоқда.

Бугунги ҳолат шуни кўрсатмоқдаки, ушбу инфекцияга қарши курашда қандайдир «сеҳрли рецетлар» ҳали йўқ.

Жаҳон ҳамжамияти, дунёдаги энг йирик илмий марказлар, энг кучли олимлар бу офатга даво топиш учун қаттиқ изланмоқда. Ва бундай тадқиқотлар тез орада ўзининг ижобий натижасини беради, деб умид қиламиз.

Тиббиёт ва санитария-эпидемиология ходимларининг касб малакаси ва жасорати, ҳуқуқ-тартибот идоралари хо-

димларининг фидойилиги, шунингдек, карантин давридаги қатъий интизом мамлакатимизда эпидемиологик вазиятни нисбатан барқарор сақлаш имконини бермоқда.

Лекин бу хотиржамликка берилиш, масалага енгил-елпи қараш учун асос бўлмағлиги керак. Чунки июль ойининг биринчи ҳафтасида беморлар сони 2 минг 167 нафарга кўпайган. Шундан 1 минг 267 та (58%) ҳолат аҳоли орасида аниқланган.

Бу карантин давридаги энг юқори кўрсаткичдир. Афсуски, беморлар орасида ўлим сони ҳам ортиб бормоқда. Бу барчамизни жиддий ташвишга солиши шарт.

Биз мамлакатимизда коронавирус аниқланган кундан бошлаб қайта-қайта таъкидлаб

келмоқдамиз: бу жуда мураккаб синов ва оғир кураш бўлади.

Бу курашда кўп нарса ўзимизга, ақл билан ҳаракатимизга, сабр-тоқатимизга темир интизом билан, қатъият ва ҳис-ликда иш кўришимизга боғлиқ.

Лекин, минг афсуски, аҳоли ўртасида кўпчилик мана шу талабларга тўла амал қилмапти. Аиникса, тиббий никоҳ тақмаслик ёки уни номига тақиб, санитария-гигиена қоидаларини бузиш, ўзаро қўл бериб кўришиш, ижтимоий масофани сақламаслик, заруратсиз оилавий тадбирларни ўтказиш ҳолатлари кун сайин кўпаймоқда.

Жойларда «яшил», «сарик» ва «қизил» ҳудуд тамойили тўлиқ ишланмапти.

Биз бу борада аҳволни ўзгартириш учун аввало жамоатчилик назоратини кучайтиришимиз керак.

Юзага келган вазиятни ҳисобга олиб, Республика комиссияси вилоят, шаҳар, туманлар ҳокимлари ҳамда сектор раҳбарлари билан бирга пандемияни жилавлан бўйича барча чораларни кўриши шарт.

Тегишли раҳбарлар ўзига бириктирилган ҳар бир вилоят кесимида аҳолининг белгиланган чекловларга қатъий амал қилиши ва карантин талаблари бажарилиши устидан, жойига чиққан ҳолда назорат ўрнатсин.

Албатта, биз кўшни давлатларда маълум сабабларга кўра қолиб кетган Ўзбекистон фуқароларини мамлакатимизга қайтариш бўйича ҳам тегишли чора-тадбирларни кўрамиз.

Бироқ юртдошларимизга мурожаат қилиб яна бир бор таъкидламоқчиман: бутун дунёда минг-минглаб одамларнинг ўлимига сабаб бўлаётган бундай хатарли офатга асло бепарво ва енгил қараб бўлмайди.

Касалликнинг бирор-бир кичик белгисини ўзингизда сездингизми, дарҳол шифокорга мурожаат қилинг. Ўзингизча уйда даволан-

манг. Бу оғир оқибатларга олиб келиши ва ниҳоят, ўлим билан тугаши мумкин.

Ўзингизга ва оила аъзоларингизга нисбатан бепарво ва бепарқ бўлманг!

Халқимиз, оиламиз ва фарзандларимиз саломатлиги ва ҳаёти биз учун энг улғу бойлик экан, бу ўта муҳим масалада бепарқ бўлиб, карантин талабларини бузишга ҳеч кимнинг ҳаққи йўқ.

Буни ҳеч ким, аввало, барча раҳбар ва мутасаддилар ҳеч қачон унутмаслиги шарт.

Бугунги мураккаб вазиятда барчамиз «Ўз соғлигингни, ўз болангни, ўз оилангни ўзинг асра!» деган широрга амал қилиб яшашимиз шарт.

Айни вақтда ҳаётимизни нормал изга солиш, иқтисодиётимизни тиклаш учун пандемия шароитида яшаш ва меҳнат қилишга ўрганишимиз, барча эҳтиёт чораларини кўрган ҳолда, бу борада бошлаган ишларимизни темир интизом билан давом эттиришимиз керак.

Ўзбекистон Республикасининг ҚОНУНИ

Ов қилиш ва овчилик ҳўжалиги тўғрисида

Қонунчилик палатаси томонидан 2020 йил 19 майда қабул қилинган
Сенат томонидан 2020 йил 19 июнда маъқулланган

1-боб. Умумий қоидалар

1-модда. Ушбу Қонуннинг мақсади

Ушбу Қонуннинг мақсади ов қилиш ва овчилик ҳўжалиги соҳасидаги муносабатларни тартибга солишдан иборат.

2-модда. Ов қилиш ва овчилик ҳўжалиги тўғрисидаги қонун ҳужжатлари

Ов қилиш ва овчилик ҳўжалиги тўғрисидаги қонун ҳужжатлари ушбу Қонун ва бошқа қонун ҳужжатларидан иборатдир.
Агар Ўзбекистон Республикасининг халқаро шартномасида Ўзбекистон Республикасининг ов қилиш ва овчилик ҳўжалиги тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

3-модда. Ов қилиш

Табий эркинлик ҳолатида яшаётган ёввойи ҳайвонларни (уларнинг яшаш фаолияти маҳсулотларини) тутиш мақсадида уларни излаш, уларнинг изига тушиш ва уларни таъқиб қилиш, тутишга уриниш ёки тутиш (отиш, тутиб олиш) ов қилишдир.
Қўйдагилар ов қилишга тенглаштирилади:
ғилофи ечиб қўйилган ҳолатдаги (йирилган тарздаги) ов қуроли ва ов қуролларининг бошқа турлари ёки ов маҳсулоти билан ов қилиш жойлари ҳудудда бўлиш;
шахсларнинг ғилофи ечиб қўйилган ҳолатдаги (йирилган тарздаги) ов қуроли билан, ов маҳсулотининг қўлга киритилганлиги қонунийлигини тасдиқловчи ҳужжатларсиз (овчилик гувоҳномасисиз, ёввойи ҳайвонларни тутишга доир руҳантомасис, овчилик йўлланмасисиз (ёввойи ҳайвонларни тутиш картчасисиз) умумий фойдаланишдаги йўлларда бўлиш.

Овчилик ҳўжаликлари кўриқлаш ходимларининг ўз лавозим мажбуриятларини бажараётганда хизмат қуроли билан овчилик ҳўжаликлари ҳудудда бўлиши ов қилиш ҳисобланмайди.

4-модда. Овчилик ҳўжалиги

Овчилик ҳўжалиги ҳайвонот дунёсини муҳофаза қилиш ва ундан оқилана фойдаланишга доир биотехник тадбирларни ўтказиш, ёввойи ҳайвонлар сонининг ҳисобини ҳамда туғилмаган ёввойи ҳайвонларнинг ҳисобини юритиш, шунингдек юридик ва жисмоний шахсларга овчилик хизматлари кўрсатиш билан боғлиқ фаолиятни амалга ошириш учун ов қилиш жойлари ҳудудда ташкил этилади.

5-модда. Овчи

Ҳақиқий овчилик гувоҳномасига эга бўлган жисмоний шахс, шу жумладан Ўзбекистон Республикасида вақтинча турган ва ов қилиш соҳасида хизматлар кўрсатиш тўғрисида шартнома тузган чет эллик фуқаро овчидир.
Овчилик ҳўжалигининг кўриқлаш ходими ўз лавозим мажбуриятларини бажараётганда овчи ҳисобланмайди.

6-модда. Ов қилиш ва овчилик ҳўжалиги соҳасидаги давлат сиёсатининг асосий йўналишлари

Ов қилиш ва овчилик ҳўжалиги соҳасидаги давлат сиёсатининг асосий йўналишлари қуйидагилардан иборат:
овчилик ресурсларининг ва ов қилиш жойларининг муҳофаза қилинишини, улардан оқилана фойдаланилишини, уларнинг сақланишини таъминлаш;
давлат дастурларини ишлаб чиқиш ва амалга ошириш;
давлат томонидан нормалар белгилаш;
овчилик туризмни ривожлантириш;
ов қилишни ҳамда овчилик ҳўжаликларини ривожлантиришга инвестициялар жалб қилиш учун қўлай шарт-шароитлар яратиш;
илмий-тадқиқот фаолиятини ривожлантириш;
давлат назоратини амалга ошириш;
халқаро ҳамкорликни ривожлантириш.

(Давоми 2, 3-бетларда)

ЎЗБЕКИСТОН – ЖАНУБИЙ КОРЕЯ:

ҲАМКОРЛИК ЮКСАЛМОҚДА

Ўзбекистон Республикаси Бош вазири ўринбосари — инвестициялар ва ташқи савдо вазири Сардор Умурзоқов бошчилигидаги мамлакатимиз ҳукумати делегацияси 6 — 8 июль кунлари Корея Республикасида бўлиб, қатор музокаралар ўтказди.

Дастлабки учрашув Корея Республикаси ташқи ишлар вазири Кан Гён Ха билан бўлиб ўтди. Унда икки томонлама ҳамкорликнинг кенг қўламли масалалари, шунингдек, устувор йўналишлар бўйича шерикликни фаоллаштириш истикболлари муҳокама қилинди.

Жаҳон соғлиқни сақлаш ташкилоти томонидан дунёда коронавирус тарқалишига қарши курашда энг яхши натижага эришган давлатлардан бири, деб эътироф этилган Корея Республикасининг бу борадаги илгор амалиётини

Мулоқот давомида ҳукумат ва вазирлар даражасида икки томонлама тадбирларни ташкил этиш билан боғлиқ масалалар кўриб чиқилди.

С. Умурзоқов Корея Республикаси Бош вазири ўринбосари — иқтисодиёт ва молия вазири Хонг Нам Ки билан ҳам учрашди.

ПАНДЕМИЯДАН КУЧЛИ БЎЛИБ ЧИҚИШНИНГ БИРДАН-БИР ЙЎЛИ — КИЧИК БИЗНЕС ВА ТАДБИРКОРЛИККА ҚУЛАЙ МУҲИТ ЯРАТИШ

Ўзбекистон Республикаси Президенти Шавкат Мирзиёев раислигида 8 июль куни ўтказилган видеоселектор йиғилишида ҳудудларда тадбиркорликни ривожлантириш ва бюджет тушумларини сўзсиз таъминлаш чора-тадбирлари муҳокама қилинди.

Пандемиядан кучли бўлиб чиқишнинг бир йўли — кичик бизнес ва тадбиркорликка қўлай муҳит яратиш, деди давлатимиз раҳбари.

Мураккаб шароитга қарамай, ушбу соҳани ҳар томонлама қўллаб-қувватлаш бўйича зарур чоралар қўрилмоқда, лекин баъзи ҳудудларда бу борадаги ишлар қониқарли эмаслиги таъкидланди.

Карантин талабларининг юмшатилиши натижасида корхоналар фаолияти тикланди. Бироқ 69 мингта тадбиркорнинг фаолиятини жонлантириш кераклиги, жойлардаги раҳбарлар 9 ой якуни бўйича уларнинг камида 70 фоизини, йил якунига қадар тўлиқ қувват билан ишлашига масъул ва жавобгарлиги белгиланди.

Мамлакат миқёсидаги республика даражасидаги мутасаддиларга ҳудудларга бориб тушуни қамайган корхоналар билан тизимли ишни йўлга қўйиш вазифаси юклатилди.

Йиғилишда таъкидланганидек, тадбиркорлар карантин қоидаларига амал қилишда санитария ва ёнгин хавфсизлиги идоралари томонидан тушунарли ва бир-бирига зид талабларга дуч келмоқда. Шу боис тадбиркорларнинг мурожаатлари ва тақлифлари асосида жорий тартибларни қайта кўриб чиқиш, оммавий ахборот воситалари ва ижтимоий тармоқларда тушунарли шаклда аҳолига етказиш топшириғи берилди.

Ўтган йилда рўйхатдан ўтган тадбиркорларнинг, яъни янги бизнес субъектларининг 23 мингтаси ёки 24 фоизи бу-

гунги кунда фаолият кўрсатмапти. Масъул раҳбарлар улар билан мулоқот қилиши, тез фурсатларда уларни ишга тушириш чоралари кўрилиши белгиланди.

Бунда тадбиркорга кўпроқ шароит яратиш бериш, жумладан, электр, газ, сув таъминоти, йўл, кредит билан боғлиқ масалаларни ечиб бериш лозимлиги қайд этилди.

Фаолият бошлаётган кичик бизнесни қўллаб-қувватлашнинг мутлақо янги тизимини ишлаб чиқиш топшириғи берилди. Бунда тадбиркорни махсус курсларда ўқитиш, субъектнинг рўйхатдан ўтказиш, асбоб-ускуна сотиб олиш харажатларининг бир қисмига грант ажратиш назарда тутилди. Ушбу тизимнинг вертикал ижросини таъминлаш учун ҳозирда фақат республика даражасида фаолият юритаётган кичик бизнес ва тадбиркорликни ривожлантириш агентлиги ишини тумангача тушириш лозимлиги қайд этилди.

Хизмат кўрсатишни ривожлантириш учун энг қўлай, кўп ва юқори даромадли иш жойлари ташкил этиш мумкин бўлган 31 та ўрта шаҳарларда инфратузилмани яхшилаш, ер ресурслари ва бино-иншоотлардан тўғри фойдаланиш, режалаштириш, бошқарув ва жамоат транспортини тўғри ташкил этиш аҳоли даромади ўсишига кескин туртки беради.

Ушбу шаҳарларни хизмат кўрсатиш марказларига айлантириш, бунинг учун шаҳар раҳбарларига тизим яратиш ва

аниқ чора-тадбирлар дастурини ишлаб чиқиш топшириғи берилди.

Кейинги йилларда солиқ тизимини ислоҳ қилиш бўйича аниқ чоралар кўрилиши натижасида бизнес иштиёрида 2019 йилда 12 триллион сўм қолди, 2020 йилда яна 11 триллион сўм маблағ қолиши кутилмоқда. Энди янги вазифа, яъни «Солиқ идораси — тадбиркорга кўмакчи» тизимини йўлга қўйиш топшириғи берилди.

Шунингдек, 1 июлдан бошлаб илк мартаба тадбиркорларга кўшимча қиймат солигининг бир қисмини қайтариш механизми амалга киритилди. Ушбу янгилик орқали жорий йилнинг биринчи учинчи чорагида тадбиркорларга 700 миллиард сўмини айланма маблағ сифатида ўзида қолдириш имконияти яратилмоқда.

Шу муносабат билан, мутасаддиларга ушбу янги тизим имкониятларини тадбиркорлар эътиборига етказиш ва ижросини барча ҳудудда самарали ташкил этиш вазифаси юклатилди.

Президент жойларда ҳалигача тадбиркорларга ер ва бино-иншоотлар ажратишда қўллаб тўсиқлар мавжудлигини кўрсатиб ўтди. Буларни очиқ савдога, электрон аукционга чиқариш жараёнларини жонлантириш вазифаси қўйилди.

Соҳадаги ўзгаришларни одамлар сезиши керак, телевидение ва ижтимоий тармоқларда буни кенг ёритиб бориш зарур, деди Шавкат Мирзиёев.

Яна бир муҳим масала — бюджет даромадлари ижросини таъминлаш. Давлатимиз раҳбари бу борада кўрилатган чораларнинг самарасини ошириш юзасидан қатор топшириқлар берди.

Йиғилишда, шунингдек, камбағалликни камайтириш бўйича олиб борилаётган ишларга ҳам тўхтаб ўтилди. Давлатимиз раҳбари камида 257 минг нафар муҳтож оилалар вакилларини ишга жойлаштириш, 37 мингта хонадонга оилавий тадбиркорлик дастурлари доирасида кредитлар ажратиш зарурлигини қайд этди.

Эҳтиёжманд аҳолини ишга жойлаштириш кўрсаткичи энг паст секторлар таъкидланган экан, уларнинг раҳбарларига жазо чоралари кўрилди.

Жумладан, Фарғона тумани ҳокими Носиров, Яккабоғ тумани прокурори Мустафоев, Ғузур ва Чортоқ туманлари ички ишлар бошқармалари бошлиқлари Раҳмонов ва Абдурайимов, Муборак тумани ва Кўкон шаҳар солиқ инспекциялари бошлиқлари Темиров ва Турдиқулловни эгалаб турган лавозимларидан овоз этиш бўйича топшириқлар берилди.

Шўрчи тумани ҳокими Худайбергандов, Каттакўрғон, Косон ва Пайарик туманлари ички ишлар бошқармалари бошлиқлари Отамурадов, Отақуллов ва Шермухамедов, Нарпай, Ғаллаорол туманлари ва Гулистон шаҳар солиқ инспекциялари бошлиқлари Дехқонов, Мамаев ва Ражабовга охириги оғохлантириш сифатида «хайфсан» эълон қилиниши белгиланди.

Ў.А.

КАРАНТИН ЧОРАЛАРИ ЯНА КУЧАЙТИРИЛАДИ

Бунга нима сабаб бўлди?

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида Ўзбекистон Республикасида коронавирусдан ҳимоят қилиш ҳамда тарқалишининг олдини олиш юзасидан чора-тадбирлар дастурини тайёрлаш бўйича Республика махсус комиссияси томонидан матбуот анжумани ташкил этилди. Унда Соғлиқни сақлаш, Ички ишлар вазирилик вакиллари, Соғлиқни сақлаш вазирилик ҳузури-

даги Коронавирусуқа қарши кураш штаби аъзолари қатнашди.

Мамлакатимизда коронавирусдан зарарланиш билан боғлиқ ҳолатлар сони 11 092 тага етди. Шу вақтгача беморларнинг 7 060 нафари касалликдан тубаллаб чиққан, афсуски, 45 киши вафот этган. Айни вақтда шифохоналарда 3 987 бемор даволанмоқда. Ўзбекистонда эпидемиологик вазият кескинлашгани сабабли республика бўйича карантин чоралари яна кучайтирилади.

Республика махсус комиссияси қарорига кўра, 10 июлдан 1 августгача Ўзбекистонда автомобиль ҳаракатини чеклаш, вилоятлараро автотранспорт қатновларини тақиқлаш, буюм бозорлари ва буюмлар савдоси билан шуғулланувчи йирик дўконлар фаолиятини тўхтатиш, оилавий тўй ҳамда бошқа маросимлар, оммавий тадбирлар ўтказишни тақиқлаш ҳам кўзда тутилган.

➡ 4



Ҳасан ПАЙДОЕВ олган сурат.

УЙДА ҚОЛИНГ!

Ўзбекистон Республикасининг ҚОНУНИ ОВ ҚИЛИШ ВА ОВЧИЛИК ХЎЖАЛИГИ ТЎҒРИСИДА

(Давоми. Бошланishi 1-бетда).

7-модда. Давлат овчилик фонди

Табий эркинлик ҳолатида яшаётган, шунингдек ов қилиш жойлариغا, шу жумладан улар етиштирилган овчилик хўжалигидан ташқарига қўйиб юборилган ёввойи ҳайвонлар давлат мулкидир ва Давлат овчилик фондини ташкил этади.

Фермаларда, питомникларда, инкубаторларда, балиқчилик питомникларида ва ховуз хўжаликларида сақланаётган ва (ёки) етиштириладиган ёввойи ҳайвонлар Давлат овчилик фондига кирмайди ҳамда фермалар, питомниклар, инкубаторлар, балиқчилик питомниклари ва ховуз хўжаликлари қайси шахсларга тегишли бўлса, ўша шахсларнинг мулки бўлади.

Ёввойи ҳайвонлардан фойдаланиш ҳуқуқи барча тоифадаги ерлар ва сув объектиларига эътиқ қилиш, улاردан фойдаланиш ҳамда уларни тасарруф этиш ҳуқуқидан ажратилгандир.

2-боб. Овчилик ресурслари ва ов қилиш жойлари

8-модда. Овчилик ресурслари

Ов қилиш мақсадида фойдаланиладиган ёки фойдаланилиши мумкин бўлган ёввойи ҳайвонлар, шунингдек ёввойи ҳайвонларнинг яшаш фаолияти маҳсулотлари овчилик ресурслари жумласига киради.

9-модда. Ов қилиш жойлари

Ов қилиш жойлари ов қилиш учун фойдаланиладиган ёки фойдаланилиши мумкин бўлган, ёввойи ҳайвонларнинг яшаш муҳити, бўлиш ва урчиш жойлари, уларнинг кўчиб ўтиш йўллари бўлган ерлар, сув объектлари ва урмонлардан иборат бўлади.

Ов қилиш жойлари ҳудудида қўйидагилар тақиқланади:

қишлоқ хўжалиги, мелиоратив, ўрмон хўжалиги ишларини ва бошқа ишларни ёввойи ҳайвонларнинг ноҳуд бўлишига олиб келадиган усулларда амалга ошириш;
ўзбошимчилик билан ёввойи қушларнинг туҳумларини йиғиш, уяларини вайрон қилиш, ёввойи ҳайвонларнинг уйчаларини, инларини ва бошқа уяларини бузиш, бундан ёввойи ҳайвонлар сонини тартибга солиш билан боғлиқ ҳоллар мустасно;
қишлоқ хўжалигига мўлжалланган ерларда ҳамда бошқа тоифадаги ерларда қуриган дов-дарактларни ва уларнинг қолдиқларини илдизи билан ёқиш;

ёввойи ҳайвонларнинг яшаш муҳити, бўлиш ва урчиш жойларида, шунингдек уларнинг кўчиб ўтиш йўллари бўлган жойларда дов-дарактларни йўқ қилиб юбориш, қиёқ, қамиш ва ёввойи ҳолда ўсувчи бошқа ўсимликларнинг чакалакзорларини ёқиш.

Қўйидагилар ов қилиш жойларига кирмайди:
аҳоли пунктларининг ерлари;
соғломлаштириш, рекреация ва тарихий-маданий мақсадга мўлжалланган ерлар;

муҳофаза этиладиган табий ҳудудлар, агар уларнинг режимида ов қилиш назарда тутилмаган бўлса;
шаҳарлар атрофидаги яшил зоналар;
корхоналарнинг санитария-химоя зоналари;
сув олиш иншоотларининг химоя зоналари;
аэродромлар;
темир йўлларнинг химоя зоналари;
чегара олди минтақаси;

хосил йиғиштириб олингунига қадар қишлоқ хўжалигига мўлжалланган ерлар;

тўғонлар, сув айиргичлар, кўприқлар ёнидаги, балиқчилик питомниклари, ховуз хўжаликлари ва бошқа маданий балиқчилик хўжаликлари чегараларидаги участкалар, агар ушбу объектларни муҳофаза қилиш режимида ов қилишга доир тақиқ назарда тутилган бўлса.

10-модда. Овчилик ресурсларининг ва улар яшаш муҳитининг давлат мониторинги

Овчилик ресурсларининг ва улар яшаш муҳитининг давлат мониторинги овчилик ресурсларининг сони ҳамда популяцияси, уларнинг ёввойи ҳайвонлар турлари бўйича ўзгариши динамикаси ва уларнинг яшаш муҳити ҳолати устидан мунтазам кузатувлар тизимини ифодалайди.

Овчилик ресурсларининг ва улар яшаш муҳитининг давлат мониторинги Атроф-муит давлат мониторингининг бир қисmidир. Овчилик ресурсларининг ва улар яшаш муҳитининг давлат мониторинги маълумотлари овчилик ресурсларидан ҳамда уларнинг яшаш муҳитидан оқилона фойдаланишни таъминлаш, уларни сақлаб қолиш учун қўлланади.

11-модда. Овчилик ресурсларини ва ов қилиш жойларини муҳофаза қилиш

Овчилик ресурсларини ва ов қилиш жойларини муҳофаза қилиш қўйидагилар орқали амалга оширилади:
биологик хилма-хилликни сақлаш ҳамда ёввойи ҳайвонларнинг барқарор яшашини таъминлаш;
ёввойи ҳайвонлардан оқилона фойдаланиш ва уларни такрор қўпайтириш учун шарт-шароитлар яратиш;
гайрикўнуний ов қилишга (браконьерликка) қарши курашиш;
ёввойи ҳайвонларнинг яшаш муҳити, бўлиш ва урчиш жойларини, уларнинг кўчиб ўтиш йўлларини муҳофаза қилиш;
ов қилиш мuddатлариغا rioя этилиши ва тутиладиган ёввойи ҳайвонларнинг сони устидан назорат қилиш;
ов қилиш жойлари ҳудудида ёнгина қарши чоралар кўриш;
ов қилиш жойлари ҳудудида ерларни ҳайдаш ва дов-дарактларни кундақов қилишнинг олдини олиш;
сув объектларини сув ҳавзаларининг гидрологик ва гидрогеологик режими бузилишига сабаб бўлиши мумкин бўлган номақбул ҳодисалардан муҳофаза қилиш.

12-модда. Ёввойи ҳайвонларнинг сонини ва тутиладиган ёввойи ҳайвонлари ҳисобга олиш

Ёввойи ҳайвонларнинг сонини ҳисобга олиш майдон бирлигига нисбатан ёввойи ҳайвонлар сонини аниқлаш мақсадида амалга оширилади. Ёввойи ҳайвонларнинг сонини ҳисобга олиш ягона услубиётлар бўйича ўтказилади ҳамда ов қилишни режалаштириш ва овчилик хўжалигини юритиш учун асос бўлади.

Овчилик хўжаликлари ҳудудида ёввойи ҳайвонларнинг сонини ҳисобга олишни овчилик хўжаликлари, шунингдек корхоналар, муассасалар ва ташкилотлар ўзларига бириктирилган ов қилиш жойлари ҳудудларида, табий сув ҳавзаларида, балиқчилик питомникларида ва ховуз хўжаликларида амалга оширади.

Тутиладиган ёввойи ҳайвонларни ҳисобга олиш тутилган ёввойи ҳайвонларнинг турлари бўйича сонини аниқлаш учун амалга оширилади ҳамда ов қилиш жойларининг махсулдорлигини ва ёввойи ҳайвонлар турларининг захираларини аниқлаш, келгусида ёввойи ҳайвонларни ўзининг яшаш муҳитидан ажратиб олишни режалаштириш учун асос бўлади.

Тутиладиган ёввойи ҳайвонларни ҳисобга олишни овчилик хўжаликлари, шунингдек корхоналар, муассасалар ва ташкилотлар ўзларига бириктирилган ов қилиш жойларининг ҳудудларида, табий сув ҳавзаларида, балиқчилик питомникларида ва ховуз хўжаликларида тутилган ёввойи ҳайвонларни овчилик хўжаликларининг махсус дафтарларида, шунингдек овчилик йўлланмаларидаги (ёввойи ҳайвонларни тутиш қарточкаларидаги) белгилар бўйича рўйхатдан ўтказиш орқали амалга оширади.

13-модда. Ёввойи ҳайвонларни такрор қўпайтириш

Ёввойи ҳайвонларни такрор қўпайтириш ёввойи ҳайвонларни сунъий равишда махсулдорроқ ҳолатда сақлаб туриш, ёввойи ҳайвонларнинг яшаш муҳити, бўлиш ва урчиш жойларини, уларнинг кўчиб ўтиш йўлларини муҳофаза қилиш бўйича тадбирлар ўтказиш, шунингдек ҳайвонлар сув ичадиган жойларни барпо этиш ёки илгари мавжуд бўлганларни тиклаш, ихота ва озуқа экинларини экиш, ёввойи ҳайвонларни озиклантириш орқали амалга оширилади.

14-модда. Ёввойи ҳайвонларнинг сонини тартибга солиш

Ёввойи ҳайвонларнинг сонини тартибга солиш ёввойи ҳайвонларнинг сони даражасини ва популяцияси тузилмасини мақбул ҳолатда сақлаб туриш мақсадида амалга оширилади.

Ёввойи ҳайвонларнинг сонини тартибга солиш ёввойи ҳайвонларни тутиш (отиш, тутиб олиш), шунингдек ёввойи ҳайвонларнинг сонини қўпайтиришга, ёввойи ҳайвонлар ўртасида юкумли касалликлар тарқалишига қарши курашга қаратилган тадбирларни ўтказиш орқали амалга оширилади.

Ёввойи ҳайвонларнинг сонини тартибга солиш ёввойи ҳайвонларнинг бошқа турларига зарар етказилишини истисно этадиган, шунингдек ёввойи ҳайвонларнинг яшаш муҳити, бўлиш ва урчиш жойлари, уларнинг кўчиб ўтиш йўллари муҳофаза қилинишини таъминлайдиган усуллар билан амалга оширилиши керак.

Ўзбекистон Республикасининг ҚОНУНИ

Ов қилиш ва овчилик хўжалиги тўғрисида

Сони тартибга солиниши лозим бўлган ёввойи ҳайвонларнинг турлари ҳамда ёввойи ҳайвонларнинг сонини тартибга солиш бўйича тадбирларни ўтказиш усуллари Ўзбекистон Республикаси Фанлар академияси билан, ёввойи ҳайвонлар ўртасида юкумли касалликлар белгилари аниқланган тақдирда – Ўзбекистон Республикаси Ветеринария ва чорвачиликни ривожлантириш давлат қўмитаси билан келишувга биноан Ўзбекистон Республикаси Экология ва атроф-муҳитни муҳофаза қилиш давлат қўмитаси томонидан белгиланади.

15-модда. Ёввойи ҳайвонларни тутишга доир квота

Ёввойи ҳайвонларни тутишга доир ҳар йилги квота ёввойи ҳайвонларнинг кўп миқдорда тутиладиган турларига, шунингдек ёввойи ҳайвонларнинг камёб ва оз сонли турларига нисбатан белгиланади. Ёввойи ҳайвонларни тутишга доир квота ёввойи ҳайвонлар сонини ҳисобга олиш ҳамда тутиладиган ёввойи ҳайвонларни ҳисобга олиш маълумотлари асосида белгиланади. Ёввойи ҳайвонларнинг кўп бўлмаган миқдорда тутиладиган оммавий турларига нисбатан квоталар белгиланмайди.

Келгуси йил учун ёввойи ҳайвонларни тутишга доир талабномалар жисмоний ва юридик шахслар томонидан жорий йилнинг 1 ноябридан 15 ноябрга қадар (қўшимча квота учун 1 апрелдан 15 апрелга қадар) Ўзбекистон Республикаси Экология ва атроф-муҳитни муҳофаза қилиш давлат қўмитасига топширилади.

Ўзбекистон Республикаси Экология ва атроф-муҳитни муҳофаза қилиш давлат қўмитаси ёввойи ҳайвонларни тутишга доир квота лойиҳасини талабномалар асосида тайёрлайди ва 25 ноябрга қадар (қўшимча квота учун 25 апрелга қадар) Ўзбекистон Республикаси Фанлар академиясига юборади.

Ўзбекистон Республикаси Фанлар академияси ёввойи ҳайвонларни тутишга доир квота лойиҳаси бўйича ҳулосани 5 декабрга қадар (қўшимча квота учун 5 майга қадар) Ўзбекистон Республикаси Экология ва атроф-муҳитни муҳофаза қилиш давлат қўмитасига тақдим этади.

Ўзбекистон Республикаси Экология ва атроф-муҳитни муҳофаза қилиш давлат қўмитаси 10 декабрга қадар (қўшимча квота учун 10 майга қадар) бўлган мuddатда Ўзбекистон Республикаси Фанлар академиясининг ҳулосаси асосида ёввойи ҳайвонларни тутишга доир квоталарни тасдиқлайди, квотани тақсимлаш тўғрисида қарор қабул қилади ҳамда уни Қорақалпоғистон Республикаси Экология ва атроф-муҳитни муҳофаза қилиш қўмитасига, вилоятлар ва Тошкент шаҳар экология ва атроф-муҳитни муҳофаза қилиш бошқармаларига (бундан бўён матнда экология ва атроф-муҳитни муҳофаза қилиш ҳудудий органилари деб юритилади) юборади.

Ёввойи ҳайвонларни тутишга доир тасдиқланган квоталарга мувофиқ экология ва атроф-муҳитни муҳофаза қилиш ҳудудий органлари 20 декабрга қадар (қўшимча квота учун 20 майга қадар) квоталарни берилган талабномаларга мувофиқ тақсимлайди ҳамда ҳайхонот дунёсидан фойдаланишга доир рўхсатномаларни беради.

Ёввойи ҳайвонларни тутишга доир ҳар йилги квота ҳамда қўшимча квота Ўзбекистон Республикаси Экология ва атроф-муҳитни муҳофаза қилиш давлат қўмитасининг расмий веб-сайтида эълон қилинади.

16-модда. Ёввойи ҳайвонларни тутиш учун ҳақ тўлаш

Ўзбекистон Республикаси ҳудудида ёввойи ҳайвонларни ов қилиш ҳақ тўлаш асосида амалга оширилади.

Тўловлар ёввойи ҳайвонларни тутишга доир рўхсатномада кўрсатилган ҳар бир ёввойи ҳайвон учун киритилади. Тўловлар мазкур рўхсатномалар берилгәтганда киритилади.

Ёввойи ҳайвонларнинг тутиш нормалари белгиланмаган турлари, овда бўлиш кунларининг сонидан қатъи назар, тўловга мувофиқ миқдорда тутилади.

Ёввойи ҳайвонларни тутиш учун тўловлар миқдорлари ушбу Қонунга 1-иловага мувофиқ белгиланади.

3-боб. Овчининг ҳамда овчилик хўжалиklarининг ҳуқуқ ва мажбуриятлари

17-модда. Овчининг ҳуқуқ ва мажбуриятлари

Овчи:
ёввойи ҳайвонларнинг рўхсат этилган турларини ов қилишни белгиланган жойларда ва белгиланган мuddатларда амалга ошириш;
қўлга киритилган ов махсулотини ўз ихтиёрига кўра тасарруф этиш;

ов қилиш, атроф-муҳитни ва табийй ресурсларни муҳофаза қилиш қоидаларига rioя этилиши устидан давлат назоратини амалга оширувчи органларнинг мансабдор шахсларидан ўз шахсини тасдиқловчи ҳужжатлар кўрсатилишини талаб қилиш ҳуқуқига эга.

Овчи:

ов қилишни амалга ошириш чоғида шахсини тасдиқловчи ҳужжатни, овчилик гувоҳномасини, ов қуролини сақлаш ва олиб юришга доир рўхсатномани, ёввойи ҳайвонларни тутишга доир рўхсатномани, овчилик йўлланмасини (ёввойи ҳайвонларни тутиш қарточкасини) ёнида олиб юриш;

овчилик хўжалигининг ва ов қилишга рўхсат этиладиган ҳудуднинг чегараларини аниқ билиш;

ов қилишга рўхсат этиладиган ҳудуддан ташқарида ов қилишни амалга оширмаслиги;

ёввойи ҳайвонларни тутиш нормаларига ва ов қилиш мuddатларига rioя этиши, ов қилишни ёввойи ҳайвонларни тутишга доир рўхсатномада кўрсатилган жойларда амалга ошириш;

ов қилишни бошлаш олдидан овчилик йўлланмасида (ёввойи ҳайвонларни тутиш қарточкасида) ов қилиш бошланган сана тўғрисидаги устуни тўлдирishi;
ов қилиш туғагач, овчилик хўжалигидан ёки ов қилиш жойларидан чиқиб кетишдан олдди ёввойи ҳайвонларни тутишга доир рўхсатномада тутилган ёввойи ҳайвонлар ҳақида белгилар қўйishi;
ов қилиш туғагач, овчилик йўлланмасини (ёввойи ҳайвонларни тутиш қарточкасини) ов натижалари тўғрисида белги қўйилган ҳолда, ўн кундан кечиктирмай қайтариш;
ёнгин хавфсизлиги талабларига rioя этиши;
майшич қичқилдиларни тўхташ жойидан йиғиштириб олиши ва майшич қичқилдиларни тўплаш жойларига олиб чиқиши;
ов қилиш, атроф-муҳитни ва табийй ресурсларни муҳофаза қилиш қоидаларига rioя этилиши устидан давлат назоратини амалга оширувчи органлар мансабдор шахсларининг талабига биноан тушунтиришлар бериши, ашёларни, ов қуролини ва транспорт воситаларини, қўлга киритилган ов махсулотини, шахсини тасдиқловчи ҳужжатларни, овчилик гувоҳномасини, ов қуролни сақлаш ва олиб юришга доир рўхсатномани, ёввойи ҳайвонларни тутишга доир рўхсатномани, овчилик йўлланмасини (ёввойи ҳайвонларни тутиш қарточкасини) қўздан кечириш учун тақдим этиши;

ҳалқалари, микрочиплари, ёрликчалари, тамгалари бўлган ёввойи ҳайвонлар тутилганда ҳудудида ов қилиш амалга оширилган овчилик хўжалигига ёки экология ва атроф-муҳитни муҳофаза қилиш ҳудудий органига улар тўғрисида ахборот тақдим этиши;
лавжалар, эълонлар, оҳурлар, ёйиб қўйилган қўшимча озуқалар, сунъий уяларга ва бошқа биотехник қўрилмаларга шикаст етказмаслиги, шунингдек ушбу Қонун 9-моддасининг иккинчи қисмида назарда тутилган бошқа ҳаракатлари содир этмаслиги;
ов қилишнинг хавфсизлик қоидаларини билиши ва уларга rioя этиши шарт.

18-модда. Овчилик хўжалиklarининг ҳуқуқлари

Овчилик хўжаликлари:
жисмоний шахсларга ёввойи ҳайвонларни тутишга доир олинган квоталар доирасида овчилик йўлланмаларини (ёввойи ҳайвонларни тутиш қарточкаларини) бериш;
юридик ва жисмоний шахслар билан ёввойи ҳайвонларни тутишга доир олинган квоталар доирасида ёввойи ҳайвонларни тутиш учун шартномалар тузиш;
ёввойи ҳайвонларни тутишга доир рўхсатномага мувофиқ ов қилишни амалга оширишда қўлга киритилган ов махсулотини қайта ишлаш;

ов махсулотини тутишининг ёки қўлга киритишнинг қўнунийлигини тасдиқловчи ҳужжатлар, махсулотга доир сифат сертификат мавжуд бўлган тақдирда, маҳаллий ихро этувчи ҳокимият органлари томонидан махсус ажратилган жойларда ов махсулотини реализация қилиш;

ёввойи ҳайвонларни табиата мослаштириш ёки улардан бошқа мақсадда фойдаланиш учун қўпайтириш;

фермаларда, питомникларда, инкубаторларда, ховуз хўжаликларида ва бошқа хўжаликларда сақланаётган ҳамда етиштирилган ёввойи ҳайвонлардан фойдаланиш;

гайрикўнуний ов қилишга (браконьерликка) қарши курашиш бўйича тадбирларда иштирок этиш, шу жумладан ов қилиш, атроф-муҳитни ва табийй ресурсларни муҳофаза қилиш қоидаларига rioя этилиши устидан давлат назоратини амалга оширувчи органлар билан биргаликда иштирок этиш;

ов қилиш ва овчилик хўжалиги тўғрисидаги қонун ҳужжатларини бузувчиларга нисбатан далолатномалар тузиш, уларни экология ва атроф-муҳитни муҳофаза қилиш ҳудудий органларига топшириш;

экология ва атроф-муҳитни муҳофаза қилиш ҳудудий органларига ов қилишни ташкил этиш ҳамда амалга ошириш, шунингдек овчилик хўжалиklarини юритиш масалалари юзасидан таклифлар тақдим этиш ҳуқуқига эга.

19-модда. Овчилик хўжалиklarининг мажбуриятлари

Овчилик хўжаликлари:
ов қилиш ва овчилик хўжалиги тўғрисидаги қонун ҳужжатлари талабларига rioя этиши;
ёввойи ҳайвонларни ва ов қилиш жойларини муҳофаза қилиши;
ҳайхонот дунёсини муҳофаза қилиш ва ундан оқилона фойдаланиш бўйича биотехник тадбирлар ўтказиши;
ёввойи ҳайвонлар сонининг ҳисобини юритиши;
тутиладиган ёввойи ҳайвонларнинг ҳисобини юритиши;
ёввойи ҳайвонларнинг такрор қўпайтирилишини таъминлаши;
ёввойи ҳайвонлар сонини тартибга солиш бўйича ёввойи ҳайвонлар айрим турларининг сонини уларнинг яшаш жойлари доирасида сақлаб туришга, қўпайтиришга ёки камайтиришга қаратилган тадбирларни ўтказиши;
овчилик хўжалиги ҳудудида чегара устунлари, эълонлар ва кўрсаткичлар, овчилик хўжалиги тўғрисидаги тўлиқ ахборотни ўз ичига олган харита-схема ўрнатилишини таъминлаши;
ёнгин хавфсизлиги талабларига rioя этиши;
ёввойи ҳайвонларнинг эгасиз таналарини, уларнинг қисмларини ва ички эъзолари қўмилишини ташкил этиши, овчиларни бундай қичқилдилар билан боғлиқ ишларни амалга оширишнинг белгиланган тартиби тўғрисида хабардор қилиши;
ов қилиш устидан назоратни амалга ошириши – овчиларда зарур ҳужжатлар мавжудлигини ва улар томонидан ушбу Қонуннинг 5-бобида назарда тутилган талабларга rioя этилишини текшириши;

овчилик йўлланмалари бланкаларини (ёввойи ҳайвонларни тутиш қарточкаларини) ҳисобга олиш, сақлаш, тўлдириш ва улардан фойдаланиш қоидаларига rioя этиши;
ҳар йили экология ва атроф-муҳитни муҳофаза қилиш ҳудудий органларига овчилик хўжалигини юритиш билан боғлиқ ахборотни тақдим этиши;

овчилик хўжалигини юритиш жараёнида атроф-муҳитга етказилган зарарнинг ўрнини қоллаши;
ўз зиммасига олинган шартнома мажбуриятларини бажариши;
ёввойи ҳайвонларни ўзбошимчилик билан чаптиштиришга, қўчиришга ёки иклимга мослаштиришга йўл қўймаслиги;
овчилик хўжалиklarидан итларнинг тушмуқбоғларсиз, боғловсиз ёки ўралган майдончадан ташқарида сакланишига йўл қўймаслиги, бундан итлар билан ов қилиш ёки итларни овга ўргатиш мустасно;
экология ва атроф-муҳитни муҳофаза қилиш органларининг мансабдор шахсларини ов қилиш жойларининг, ёввойи ҳайвонлар ҳамда қайта ишланган ов махсулоти сақландиган, реализация қилинадиган объектларнинг ҳолатини ўрганиш учун монеликсиз киритиши шарт.

4-боб. Ов қилишни амалга ошириш

20-модда. Ов қилиш турлари

Ов қилиш турлари жумласига қўйидагилар киради:

спорт ва ҳаваскорлик мақсадида ов қилиш;
саноат мақсадида ов қилиш;
ўлжа олиш мақсадида ов қилиш;
ёввойи ҳайвонларни ярим эркин шароитларда ёки сунъий яратилган яшаш муҳитида сақлаш ва қўпайтириш мақсадида ов қилиш;
илмий, тиббий ва назорат ишларини амалга ошириш учун ов қилиш;
ёввойи ҳайвонларнинг сонини тартибга солиш мақсадида ов қилиш.

Спорт ва ҳаваскорлик мақсадида ов қилиш жисмоний шахслар томонидан ов махсулотини шахсий истеъмол қилиш мақсадида амалга оширилади.

Саноат мақсадида ов қилиш ов махсулотини тижорат мақсадида реализация қилиш учун амалга оширилади.

Ўлжа олиш мақсадида ов қилиш муайян белгиларига кўра баҳоланадиган ов ўлжаларини (мўйналар, шохлар, патлар, терилар, бош суякларини, қозитишларни, бошқа ҳаётий органларни) олиш мақсадида амалга оширилади.

Ёввойи ҳайвонларни ярим эркин шароитларда ёки сунъий яратилган яшаш муҳитида сақлаш ва қўпайтириш мақсадида ов қилишга, башарти ёввойи ҳайвонларга ёпиқ маконда яшайдиган шароитлар яратилса, йўл қўйилади.

Илмий, тиббий ва назорат ишларини амалга ошириш учун ов қилиш ёввойи ҳайвонларни ўрганиш ҳамда сақлаб қолиш, шунингдек улар касалланганда, нобуд бўлиш, ўлат хавфи бўлган ҳолларда ва бошқа сабаблар туфайли ёввойи ҳайвонларга ёрдам кўрсатилишини ташкил этиш мақсадида амалга оширилади.

Ёввойи ҳайвонларнинг сонини тартибга солиш мақсадида ов қилиш ёввойи ҳайвонларнинг сони даражасини ва популяцияси тузилмасини мақбул ҳолатда сақлаб туриш, шунингдек ўта хавфли инфекциялар тарқатувчилари бўлган ҳайвонларга қарши курашиш учун амалга оширилади.

21-модда. Ов қилиш қуроллари ва усуллари

Ов қилиш:
ов қуролидан;
овчи этотига мансуб итлардан, бошқа овга ўргатилган ҳайвонлар ва қушлардан (овчилик гувоҳномасида тегишли қайд мавжуд бўлган тақдирда);
ёввойи ҳайвонларни тирик ҳолда тутиб олиш учун тўрлар ва тузоқлардан (ёввойи ҳайвонларни тутишга доир рўхсатномада тегишли белги мавжуд бўлган тақдирда);
миноралардан фойдаланган ҳолда амалга оширилиши мумкин.

Ов қилиш амалга ошириладиган ов қуролларидан фойдаланилган ҳолдаги усуллар ва ҳаракатлар маъмуи ов қилиш усулларидир.

Ёввойи ҳайвонларни тутишда ов қуролларининг қуйидаги турларидан фойдаланиш тақиқланади:

ўзюрат қуроллардан;
камонлар, арбалетлар ва найзалар

Депутат фикри

Ислоҳотларимиз натижаларининг халқаро эътирофи

Пандемия натижасида Ўзбекистон ҳам иқтисодий қийинчиликларга дуч келди. Жорий йилнинг март ойи иккинчи ярмидан эътиборан мамлакатда иқтисодий фаоллик, ички ва ташқи талабнинг пасайиши кузатишмоқда.

Шундай қилиб, 2020 йилнинг биринчи чора-да инвестициялар ҳақида 10,2 фоиз, чакана товар айланмасининг ўсиш суръати 3,8 фоиз камайди. Марказий банкнинг дастлабки ҳисоб-китобларига кўра, ЯИМ ўсиш суръати 1,5 — 2,5 фоизгача пасаяди.

ланган аҳоли қатламларини иш билан таъминлаган ва уларга моддий кўмак берган тадбир-корларга солиқ ҳамда кредит имтиёзлари тақдим этиш, инвестициялар йўналтириш ёки бошқа имтиёзлар орқали ўлғунли раҳаратларини қўллаб бериш амалиёти жорий этилди.

Бир жиҳат аҳамиятлики, Ўзбекистондаги ислоҳотлар натижалари Жаҳон банки эътиборидан четда қолмади. Унинг ҳисоботида келтирилган Европа ва Марказий Осиёнинг 24 та давлатидан фақат Ўзбекистонда 2020 йил натижалари бўйича ЯИМнинг ўсиши прогноз қилинган.

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

2021 йилда Ўзбекистон иқтисодиётида кузатилиши кутулаётган ва каби ижобий ўзгаришларнинг асосий омилли сифатида кўйидагиларни келтириш мумкин:

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

Шунингдек, аҳолини ижтимоий ва моддий қўллаб-қувватлаш тадбирларини тадбиркорлик субъектлари амалга оширган тақдирда, уларга солиқ енгилликларни бериш.

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

Яна бири макроиктисодий шакллантиришда туман (шаҳар), вилоят кесимида ёндашув ишлаб чиқилиб, амалиётга жорий этилишидир. Бу ҳар бир ҳудуднинг иқтисодий ихтисослашувиغا эътибор бериш шаклланаётгани ва истиқболда унга жиддий ёндашув мавжудлиги билан изоҳланади.

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

Иқтисодий ҳаётни янгилаш ва бошқа инфратузилма объекти қурилишига қўшимча 3,6 триллион сўм ажратилди. Бу маблағлар, энг аввало, ишлаб чиқариш инфратузилмасини ривожлантиришга йўналтирилди.

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

Жаҳон банкнинг эътирофи сабабчи бўлган омиллардан яна бири сифатида мамлакатимизда "Саховат ва кўмак" умумхалқ ҳаракати йўлга қўйилганини кўрсатиш жоиз, деб ҳисоблаймиз.

Мамлакатимизда валюта сибсатини эркинлаштириш, тўлов балансининг жорий операциялари бўйича эркин конвертацияга эришилгани бизнес аҳли, тадбиркорларга қаттиқ қулайлик туғдиради.

ЁШЛАР УЧУН ҲАР ЖИҲАТДАН ИБРАТ ИЖОДКОР

Пойтахтимиздаги Адилбар хиёбони. Бу масканга қадам қўйишнинг билан қалбингизни ўзгача бир шукух, завқ ва ҳаяжон эгаллайди. Ўзбекистон Қаҳрамони Абдулла Орипов таъбири билан айтганда, бу "буюклар қаҳқашонида" халқимизнинг улғу ижодкорлари, ўзбек маданияти, адабиёти ҳамда тафаккурининг тинимсиз бўлиши йигирмадан ортқ адибларнинг ҳайкаллари жойлашган.

Муҳаммад Юсуф шеърларида Ватанга аънададаги меъёрлар, сийқаси чиққан қолиплар билан ёндашмайди. У кўпликка ўхшаб Ватанини севиши, унда гўзал табиати, буюк инсонлари борлигини қуруқ санаб, шеър охирида жонини фидо қилишни айтиш билан чекланмайди.



Хосан ПАЙДОЕВ олган сурат.

Эҳтиром

Адилбар хиёбонига ташриф буюрган Президентимиз Шавкат Мирзиёев "Адабиёт халқининг юраги, элнинг маънавиятини кўрсатади. Бугунги мураккаб замонда одамлар қалбига йўл топиш, уларни эзгу максалларга илҳомлантиришда адабиётнинг тасвирчан қўлидан фойдаланиш керак. Аждодлар меросини ўрганиш, буюк маданиятимизга муносиб буюк адабиёт яратиш унун ҳамма шароитларни яратамиз. Бу адибларимизнинг қўллари бу дунёдан армон билан кетдилар. Бугунги авлод адибларимизнинг ана шу армонларини рўёбга чиқаришимиз, уларнинг ҳар бирига ўз ҳурмат-эҳтиромимизни кўрсатишимиз лозим", дея таъкидлади.

Муҳаммад Юсуфнинг ҳар бир шеърда миллий рух, халқона фалсафа, бой ва бетакор тилимиз жилолари, ўзбек халқининг юксак инсоний фазилатлари мўжассамлиги билан бирга, ёшлик сурури, ишқ ҳамда муҳаббатнинг нафис навалари юксак даражада ифодасини топган. Ўзбекистон Қаҳрамони Озод Шарафидинов таъбири билан айтганда, "Муҳаммад Юсуф қўшиқлари билан эмас, аввало, халқ дардини баралла айтган, ўрт муҳаббатини ҳеч кимга ўхшамаган мисраларда таърифлаган шеърлари билан танилди, шухрат қозонди. Одамлар унинг китобларини дўконлардан қидириб юрагини бўлдилар".

Дарҳақиқат, шоир шеърларида нафақат ўзининг, балки ўзбек халқининг юрак уриниш эшитилди, у ўзбек дунёсини англашга ўргатади. Миллий адабиётимиз тарихида Ватан тўғрисида ёзилган шеърлар, достонлар бисёр. Аммо уларда шакл, ифода, образлар тизими ҳар хил. Ҳар бир ижодкор Ватанини ўзига хос тасвирлайди, турфа рангларда кўради.

КАРАНТИН ЧОРАЛАРИ ЯНА КУЧАЙТИРИЛАДИ

Бунга нима сабаб бўлди?

15 мартда коронавирус инфекцияси қайд этилган илк бемор аниқланганидан сўнг, эртаси куни қатъий карантин чоралари қабул қилинган эди, — дейди Соғлиқни сақлаш вазирлиги ҳузуридаги Коронавирусга қарши кураш штаби аъзоси, тиббиёт фанлари доктори, профессор Ҳабибулло Оқиллов. — Шунда халқро тажриба изчил ўрганилиб, керакли миждорда юкка ўринлари тайёрланганди. Чет давлатлардан келаятган фуқаролар, беморлар билан мулоқотда бўлганларни карантинда сақлаш учун жойлар ҳозирланди. Аввалга улар санаторийларда сақланган бўлса, кейинроқ карантин шаҳарчалари қурилди. Шифокорлар ўз йўналишидан қатъи назар, коронавирус шариитида ишлашга ўргатилди, қурашга жалб қилинди. Чет элданги фуқароларни мамлакатимизга қартер рейслари орқали қайтариш чоралари тўхтагани йўқ. Хозирги кунда бу ишлар бутун дунёдаги ҳаммасларимиз томонидан, Жаҳон соғлиқни сақлаш ташкилоти томонидан эътироф этилиб, ибратга сазовор деб топилди.

ЎЗБЕКИСТОН – ЖАНУБИЙ КОРЕЯ: ҲАМКОРЛИК ЮКСАЛМОҚДА

Музокара давомида икки мамлакат ўртасидаги иқтисодий ҳамкорликнинг жорий ҳолати таҳлил қилиниди, кенгайтириш бўйича вазифалар белгилан олди. Мулоқот чоғида Ўзбекистон — Жанубий Корея муносабатлари алоҳида стратегик шериклик мавзёсига кўтарилгани, олий даражадаги эътибор қилиниши, олий даражадаги эришилган келишувлар тўлиқ ва ўз вақтида амалга оширилиши томонлар учун бирдек маънафатли экани қайд этилди.

Ўзбекистон ҳукумати номидан Корея ҳукумати ва йирк корпорациялари ҳамма мамлакатимизга қартиб этилган тест тизимлари, тиббий асбоб-ускуналар ва жиҳозлар, Ўзбекистонга юборилган юқори маълумлик мутахассислар кўмаги, қолаверса, соғлиқни сақлаш ва аҳолининг ижтимоий кўмакка муҳтож қатламларини қўллаб-қувватлашга техник ёрдам кўрсатишни назарда тутиб COVID-19га тезкор жавоб чоралар қўриш дастурини амалга ошириш мақсадида грант ажратиш тўғрисидаги қарорни учун миннатдорлик билдирди.

Ўзбекистоннинг Корея Республикаси Президенти томонидан юритилаётган "Янги Шимолӣ сибсат"ни қўллаб-қувватлаш ва ушбу ташаббус доирасидаги истиқболли лойиҳаларини амалга оширишга ҳар томонлама ёрдам кўрсатиш нияти қатъий экани айтилди. Ушбу дастур Кореянинг Марказий Осиё давлатлари билан савдо ҳамжиҳати сезиларли даражада оширишга, Корея ва минтақа давлатлари ўртасида қишлоқ хўжалиги, автомобилсозлик, соғлиқни сақлаш, фармацевтика ва АКТ каби соҳаларда инвестициявий ҳамкорликни рағбатлантиришга йўналтирилган чора-тадбирларни фаоллаштиришга қаратилган.

Корея Иқтисодиёт ва молия вазирлиги билан биргаликда 2021 — 2023 йилларга мўлжалланган Ўзбекистон — Корея молиявий-техник ҳамкорлигининг янги 3 йиллик дастурини ишлаб чиқиб, тузилма бюджетини 1 миллиард долларга

ойида ўтказиш бўйича ҳам келишувга эришилди. Ташриф доирасида Корея халқаро ҳамкорлик агентлиги (KOICA) президенти, мамлакат савдо, саноят ва энергетика вазирли, Корея Эскимбанки раиси, Савдо, саноят ва энергетика вазирлиги қосидаги 500 миллион долларлик 6 та лойиҳа амалга оширилмоқда.

Корея томони тегишли тартиб ва жараёналарни жадаллаштириш ҳамда Корея халқаро ҳамкорлик агентлиги иштирокида амалга оширилиши режалаштирилган қатор янги лойиҳаларни илгари суриш орқали Корея Эскимбанки ва Иқтисодий ривожланиш ва ҳамкорлик жағмафаси (EDCF) билан биргаликда янги лойиҳалар амалга оширилишини қўллаб-қувватлашга тайёрликни билдирди. Устувор тармақлардаги истиқболли лойиҳаларга алоҳида эътибор қаратилди.

Корея Республикаси Ўзбекистоннинг Жаҳон савдо ташкилотига аъзо бўлиши доирасида икки томонлама ҳамкорлиқни қўллаб-қувватлашга узаро савдо ҳамжиҳати янада ошириш учун янги имкониятлар очилиши таъкидланди. Бундан ташқари, Корея ҳукумати Орол фожiasi оқибатларини қамайтириш бўйича Ўзбекистонда қурилайтган чора-тадбирларни қўллаб-қувватлашга тайёрлиги билдирди. Бу борада Оролбўйи минтақаси учун инсон хавфсизлиги бўйича кўп томонлама шериклик асосида траст фонди фаолиятини қўллаб-қувватлаш масаласи қўриб чиқилди.

Шунингдек, икки мамлакат Бош вазирлари ўринбасарларнинг 3-учрашувини шу йил сентябрь

Жаҳон иқтисодиёти ва дипломатия университетининг қўйидаги павозимларга танлов эълон қилади: Сиёсатшунослик кафедраси: кафедра мудири, профессор, доцент, катта ўқитувчи, ўқитувчи. Ҳужжатлар (ариза, фотосуратдаги шахсий варақа, таржимаи ҳол, олий маълумот, илмий даража ва унвонлар ҳақидаги дипломларнинг нусхалари, илмий ишлар рўйхати) ушбу эълон чоп этилган кундан бошлаб бир ой муддат ичида қабул қилинади.

ЭЪЛОН ХАЛҚ СЎЗИГА ЭЪЛОНЛАР КАБУЛ ҚИЛИНАДИ. 9.00 дан 18.00 гача 71-232-10-63, 71-232-11-15. E-mail: reklamax@mail.ru reklama@xs.uz

Халқ сўзи Народное слово. Бош муҳаррир Ўткир РАҲМАТОВ. 2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Бюроғма Г — 756. 33 976 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нарҳда.

Ташхиритга келган қўлбўлма тақрир қилинмайди ва малафига қайтарибмайди. Газетанинг малафаси берилиши учун обунани расмийлаштирган ташкилот жаобгар. Газета тахирит компьютер марказда терилди ҳамда оператор А. Исмаилов томонидан сақдланади.

МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — Ш. Фарфоров. Мусахҳиҳ — Ш. Машраббоев. "Шарқ" нашриёт-матбаа акциядорлик компанияси босмаҳонаси. Корхона манзили: Буюк Турон кўчаси, 41. ЎЗА яқини — 00.00 Топширилди — 00.30 1 2 3 4 5 6